

L I G J

Nr. 9575, datë 03.07.2006

**PER FALJEN E GJOBAVE TE KONTRIBUTEVE TE SIGURIMEVE
SHOQERORE DHE SHENDETESORE, SI DHE TE TATIMIT MBI TE
ARDHURAT NGA PUNESIMI PER PERSONAT JURIDIKE E FIZIKE, TE
REGJISTRUAR SI TATIMPAGUES TE TAKSES VENDORE MBI BIZNESIN E
VOGEL, PER PERIUDHAT TATIMORE TE VITIT 2005.**

Në mbështetje të neneve 78, 83 pika 1 dhe 155 të Kushtetutës, me propozimin e Këshillit të Ministrave,

**K U V E N D I
I REPUBLIKËS SË SHQIPËRISË**

V E N D O S I

Neni 1

Personave juridikë dhe fizikë, të regjistruar si tatimpagues të taksës vendore mbi biznesin e vogël, u falen gjobat e vendosura, që i përkasin të gjitha periudhave tatimore të vitit 2005, që lidhen me deklarimin dhe pagimin me vonesë të detyrimeve për kontributet e sigurimeve shoqërore, të kontributeve të kujdesit shëndetësor dhe tatimit mbi të ardhurat nga punësimi, me kusht që deklarimi dhe pagesa të bëhen brenda datës 31.12.2006.

Neni 2

Personave juridikë e fizikë, të regjistruar si tatimpagues të taksës vendore mbi biznesin e vogël, u rimbursohet shuma e gjobave të paguara, që i përkasin të gjitha periudhave tatimore të vitit 2005, që lidhen me deklarimin dhe pagimin me vonesë të detyrimeve për kontributet e sigurimeve shoqërore, të kontributeve të sigurimit të kujdesit shëndetësor dhe të tatimit mbi të ardhurat nga punësimi.

Neni 3

Çështjet në proces apelimi dhe çështjet për ekzekutimin e vendimeve të gjykatave, që kanë marrë formë të prerë, deri në datën e hyrjes në fuqi të këtij ligji me gjobat e përmendura në nenin 1 të këtij ligji, pushohen.

Subjektet shtetërore kreditore detyrohen që, në përputhje me shkronjën “b” të nenit 616 të Kodit të Procedurës Civile, menjëherë pas hyrjes në fuqi të këtij ligji, të paraqesin pranë organeve të përmbarimit kërkesë për pushimin e ekzekutimit.

Neni 4

Ngarkohen për zbatimin e këtij ligji të gjitha institucionet shtetërore, të prekura nga fusha e zbatimit të tij.

Neni 5

Ky ligj hyn në fuqi 15 ditë pas botimit në Fletoren Zyrtare.

Shpallur me dekretin nr. 4991, datë 21.07.2006 të Presidentit të Republikës së Shqipërisë, Alfred MOISIU.

***Botuar në fletoren Zyrtare Nr. 79 datë 28.07.2006